

Broj: 1

Mjesec: Septembar

# Bilten srednjoškolaca MSEUŠ Travnik

## USPJEH UČENICA MSEUŠ TRAVNIK

Učenice Mješovite srednje ekonomsko-ugostiteljske škole Travnik – Lamija Salkica, Dalila Mehić i Ena Čosović, zajedno sa svojom mentoricom profesoricom Hasibom Horić pripremile su turistički video, kroz koji je na kreativan i zanimljiv način predstavljen Travnik kao turistička destinacija i ostvarile su veliki uspjeh osvojivši vrijednu nagradu Turističke zajednice Općine Travnik.

KOLEKTIV MSEUŠ  
TRAVNIK NOĆNA UTRKA

“Dani pobjede, dani ponosa”,  
Vlašić, Galica 2025.

Maturalna ekskurzija



SVJETSKI DAN  
TURIZMA

Povodom obilježavanja Dana turizma, u našoj školi održana je svečana priredba posvećena promociji turizma i kulturne baštine Travnika.



## KOLEKTIV MSEUŠ TRAVNIK NOĆNA UTRKA

Travnik je bio domaćin tradicionalne Noćne utrke, koja je i ove godine privukla veliki broj učesnika, rekreativaca i sportskih zaljubljenika. U centralnim ulicama grada zavladala je posebna atmosfera, ispunjena sportskim duhom, zajedništvom i pozitivnom energijom.

Posebnu pažnju privukao je tim Mješovite srednje ekonomsko-ugostiteljske škole Travnik, koji su činili profesori zajedno sa direktoricom škole. Njihovo učešće simboliziralo je ne samo važnost fizičke aktivnosti, već i dobar primjer učenicima – da zajedništvo, timski duh i zdrave navike trebaju biti dio svakodnevnog života.



Direktorica škole, zajedno sa svojim timom, pokazala je da profesori ne prenose znanje samo u učionicama, već i kroz vlastiti primjer. Učešćem u utrici, tim MSEUŠ Travnik je pokažao učenicima kako sport povezuje ljude i gradi timski duh, te kako ovakvi događaji doprinose promociji zdravog načina života, ali i jačaju zajedništvo u lokalnoj zajednici.



# USPJEH UČENICA MSEUŠ TRAVNIK

Učenice Mješovite srednje ekonomsko-ugostiteljske škole Travnik – Lamija Salkica, Dalila Mehić i Ena Ćosović, zajedno sa svojom mentoricom profesoricom Hasibom Horić pripremile su turistički video, kroz koji je na kreativan i zanimljiv način predstavljen Travnik kao turistička destinacija i ostvarile su veliki uspjeh osvojivši vrijednu nagradu Turističke zajednice Općine Travnik.

Ovo priznanje rezultat je predanog rada, znanja i kreativnosti učenica koje su pokazale da omladina ima ogroman potencijal. Njihov uspjeh izazvao je posebno oduševljenje, jer je još jednom potvrđeno da mladima treba pružiti šanse i prilike kako bi pokazali svoje sposobnosti.

Ova nagrada nije samo priznanje učenicama i njihovoj mentorici, već i cijeloj školi, koja kontinuirano ulaže u znanje i uspjehe svojih učenika. Ponos i radost uspjeha podijelili su i profesori, kao i direktorica škole, naglasivši da je riječ o još jednom dokazu da Mješovita srednja ekonomsko-ugostiteljska škola Travnik uspješno gradi generacije mladih lidera spremnih da ponosno predstavljaju svoj grad.



# Maturalna ekskurzija - Istanbul



U periodu od 8. do 15. septembra, učenici MSEUŠ Travnik zajedno sa svojim razrednicima boravili su na maturalnoj ekskurziji u jednom od najljepših gradova svijeta – Istanbulu. Ovo putovanje predstavljalo je priliku da se upoznaju s bogatom historijom, kulturnim naslijeđem i modernim ljepotama grada koji povezuje dva kontinenta – Evropu i Aziju.

Tokom osmodnevnog boravka, učenici su posjetili znamenite lokacije koje su ostavile snažan utisak. Posebno ih je impresionirala veličanstvena Çamlıca džamija i Çamlıca terasa s pogledom na panoramu Istanbula, kao i simboli grada – Kız Kulesi (Djevojačka kula) i Galata kula.



Na mapi njihovog obilaska našli su se i svjetski poznati spomenici kulture: Ayasofya, Sultanahmet džamija (Plava džamija), te veličanstveni Topkapı muzej. Nezaobilazna su bila i tradicionalna trgovačka mjesta – Kapalıçarşı (Veliki bazar) i Mısır Çarşısı (Egipatski bazar), gdje su učenici mogli osjetiti šarenilo i duh orijentalnog tržišta.

Jedan od najljepših trenutaka ekskurzije bila je vožnja brodom po Bosforu, tokom koje su učenici uživali u pogledu na obale dva kontinenta, doživljavajući Istanbul u svoj njegovoj raskoši.





Tokom svog putovanja, učenici naše škole, zajedno sa svojim razrednicima, posjetili su grad Edirne, nekadašnju prijestolnicu Osmanskog carstva i jedan od najznačajnijih kulturno-historijskih centara Turske. Tijekom obilaska, imali su priliku diviti se veličanstvenoj Selimija džamiji, remek-djelu poznatog arhitekte Mimara Sinana, koja je upisana na UNESCO-vu listu svjetske baštine. Impresivna arhitektura i raskošna unutrašnja dekoracija džamije ostavili su snažan i nezaboravan utisak na sve posjetitelje, pružajući im jedinstvenu priliku da osjete duh bogate turske kulturne tradicije. Osim Selimije, učenici su obišli i stari bazar, šetali kroz živopisne ulice grada, upoznali se s tradicionalnom osmanskom arhitekturom i uživali u posebnoj atmosferi koju Edirne nudi. Posjeta ovom gradu bila je dragocjeno iskustvo koje je učenicima omogućilo da kroz neposredno upoznavanje s kulturnim naslijeđem prošire svoja znanja i obogate svoja putovanja još jednim nezaboravnim doživljajem.



Ova maturalna ekskurzija ostat će urezana u sjećanjima učenika kao putovanje koje je obogatilo njihovo znanje, pružilo nova iskustva i donijelo uspomene koje će trajati cijeli život.



# **"Dani pobjede, Dani ponosa", Vlašić, GALICA 2025.**

Na planini Vlašić, na Galici, i ove godine održana je tradicionalna manifestacija „Dani pobjede, Dani ponosa 2025“. Ovaj događaj svake godine okuplja veliki broj posjetilaca, veterana, građana i omladine, s ciljem da se sačuva sjećanje na značajne historijske trenutke, ali i da se oda počast herojima koji su svojim životima branili domovinu. Među učesnicima su bili i učenici Mješovite srednje ekonomsko-ugostiteljske škole Travnik, uz pratnju profesora Nedžada Kapidžića, koji su svojim prisustvom dali poseban doprinos obilježavanju ovog važnog datuma.



„Dani pobjede, Dani ponosa“ na Galici nisu samo podsjetnik na prošlost, već i prilika da se izgradi most između generacija – onih koji se sjećaju ratnih dešavanja i onih koji tek uče o njima. Vlašić je i ove godine bio mjesto okupljanja, snage i ponosa, šaljući poruku da se vrijednosti slobode, zajedništva i mira nikada ne smiju zaboraviti..



# Dani turizma

Povodom obilježavanja Dana turizma, u našoj školi održana je svečana priredba posvećena promociji turizma i kulturne baštine Travnika. Program je otvorila voditeljica programa, Nejra Sefer, koja je uputila riječi dobrodošlice direktorici škole, predstavnicima Turističke zajednice Travnika i svim profesorima i učenicima.

U prvom dijelu programa obratio se direktor Turističke zajednice Samer Dolovac naglasivši izuzetnu i dugogodišnju suradnju sa našom školom, te istakнуvši kako su učenici ove škole ponos grada Travnika, jer ga dostoјno predstavljaju na raznim manifestacijama i takmičenjima. Posebno je istaknuto da je bivši učenik naše škole, Kerim Grabus, aktivno uključen u rad Turističke zajednice, što predstavlja primjer uspješne praktične saradnje škole i lokalne zajednice.

Nakon njegovog obraćanja, prisutnima se obratila i direktorka škole Mehridžana Alibašić, koja je uputila iskrene čestitke na postignutom uspjehu učenicama koje su pripremile turistički video grada Travnika zajedno sa svojom mentoricom povodom obilježavanje Svjetskog dana turizma, te posebno pohvalila plodnonosnu saradnju škole i Turističke zajednice Travnik.

